

2. gr.

Reglugerð þessi er sett samkvæmt ákvæðum laga nr. 38, 15. maí 1990, um stjórn fiskveiða, með síðari breytingum til að öðlast þegar gildi.

Sjávarútvegsráðuneytinu, 22. desember 2004.

Árni M. Mathiesen.

Jón B. Jónasson.

REGLUR

um flokkun mjólkur og verðfellingar vegna líftölu, frumutölu og lyfjaleifa.

1. gr.

Verðlagsnefnd búvöru hefur ákveðið flokkun og verðfellingar mjólkur með bactoscan-mælingum vegna líftölu (gerlatölu) eftirfarandi:

1. flokkur	≤ 400.000	Verð skv. lágmarksverði, 1. flokks mjólk.
2. flokkur	> 400.000 og ≤ 600.000	2% verðfelling af lágmarksverði mjólkur.
3. flokkur	> 600.000 og ≤ 3.000.000	5% verðfelling af lágmarksverði mjólkur.
4. flokkur	> 3.000.000	8% verðfelling af lágmarksverði mjólkur.

Taka skal a.m.k. eitt sýni hjá hverjum framleiðanda í hverri viku. Fyrir hvert sýni sem fer í 2. flokk, skal verðfellt um 2%, í 3. flokk skal verðfellt um 5% og fyrir hvert sýni sem fer í 4. flokk skal verðfellt um 8%. Samanlögð prósentu einstakra flokka skal gilda sem heildarverðfelling fyrir allt mjólkurmagn framleiðandans í mánuðinum. Verðfelling fyrir hvern lítra mjólkur skal reiknuð af lágmarksverði sem gildir á hverjum tíma.

2. gr.

Þá hefur verðlagsnefnd búvöru einnig ákveðið flokkun og verðfellingar mjólkur með frumutölu sem hér segir:

1. flokkur	≤ 400.000	Verð skv. lágmarksverði 1. flokks mjólk.
2. flokkur	> 400.000 og ≤ 600.000	1% verðfelling af lágmarksverði mjólkur.
3. flokkur	> 600.000	3% verðfelling af lágmarksverði mjólkur.

Verðfelling miðast við margfeldismeðaltal mánaðar og að það hafi farið tvo mánuði í röð upp fyrir mörk 1. flokks og þá er reiknuð verðfelling fyrir innlegg síðasta mánaðar miðað við flokkun þess mánaðar.

3. gr.

Ef í mjólk framleiðanda sem send hefur verið í mjólkurstöð finnast lyfjaleifar þá skal það innlegg ekki skráð, þar að auki verði innlegg mánaðar frá viðkomandi framleiðanda verðfellt um 8% af lágmarksverði mjólkur.

4. gr.

Reglur þessar eru birtar samkvæmt heimild í 8. gr. laga nr. 99/1993 um framleiðslu, verðlagningu og sölu á búvörum með síðari breytingum og öðlast gildi 1. janúar 2005, en frá sama tíma falla úr gildi reglur nr. 294/2004 um sama efni.

Reykjavík, 22. desember 2004.

F. h. verðlagsnefndar búvöru,

Ólafur Friðriksson formaður.

AUGLÝSING

um breytingu á sérstöku svæðisskipulagi fyrir Kárahnjúkavirkjun, vegna Ufsarveitu.

Samkvæmt 5. mgr. 15. gr. skipulags- og byggingarlaga nr. 73/1997 hefur ráðherra þann 22. desember 2004 staðfest breytingu á sérstöku svæðisskipulagi fyrir Kárahnjúkavirkjun frá 15. ágúst 2002.

Breytingar verða á framkvæmdum í nágrenni fyrirhugaðs Ufsarlóns í Fljótssdalshreppi m.a. vegna niðurfellingar áður fyrirhugaðrar Bessastaðaveitu. Gert er ráð fyrir jöfnunargöngum, loftunarholum og þrýstijöfununarstokki í og við Jökulsárgöng og haugsvæði við Ufsarlón. Ennfremur breytist lega Hraunavegar með nýrri brú yfir Jökulsá í Fljótssdal neðan Ufsarstíflu.

Uppdrátturinn hefur hlotið þá meðferð sem skipulags- og byggingarlög mæla fyrir um. Skipulagsstofnun hefur afgreitt erindið til staðfestingar.

Breytingin öðlast þegar gildi.

Umhverfissráðuneytinu, 22. desember 2004.

Sigríður Anna Þórðardóttir.

Ingibjörg Halldórsdóttir.